

Alþingi  
Erindi nr. P 136/1524  
komudagur 6.4.2009

Alþingi  
b.t. Viðskiptanefndar  
selmah@althingi.is

Reykjavík 3. apríl 2009

Varðar: Mál nr. 409. Frumvarp til laga um breytingu á lögum nr. 161/2002, um fjármálafyrirtæki, með síðari breytingum.

Skilanefnd SPRON vill koma eftirfarandi á framfæri við viðskiptanefnd vegna ofangreinds frumvarps.

Skilanefnd SPRON var skipuð skv. bréfi Fjármálaeftirlitsins dags. 21. mars sl. Frá þeim tíma hefur skilanefndin unnið að málefnum tengdum SPRON. Skilanefndin starfar sem bráðabirgðastjórn skv. 1. gr. frumvarpsins og hefur ekki sótt um greiðslustöðvun til dómstóla.

Skv. fyrirbyggjandi frumvarpi þá er skv. II.kafli ákvæða til bráðabirgða gert ráð fyrir því að fjármálafyrirtæki sem svo er ástatt um eins og skilanefnd SPRON er, hafi tvo kosti.

Annars vegar að starfa sem bráðabirgðastjórn utan greiðslustöðvunar í þrjá mánuði frá skipan hennar en þá lýkur yfirráðum skilanefndar sjálfkrafa nema skilyrði 1-3 t.l. 5. gr. frumvarpsins eigi við.

Hins vegar að sækja um greiðslustöðvun og þá sýnist skilanefnd að um leið og slíkt gerist þá eigi skilanefnd að óska eftir því við héraðsdóm að skipuð verði sérstök slitastjórn skv. 4. t.l. II. kafli ákvæða til bráðabirgða.

Skv. breytingatillögu sem kynnt er í nefndaráliti þá kemur einnig fram að skilanefnd á að starfa með nýrri slitastjórn í allt að sex mánuði frá skipunartíma skilanefnda. Lýkur líftíma skilanefndar þá en slitastjórn stýrir fyrirtækinu eða búinu.

Athugasemdir skilanevndar SPRON lúta að því að skilanevndin telur með öllu ófært að geta ekki sóst eftir þeirri vernd sem felst í greiðslustöðvun án þess að þá verði skipuð ný og sérstök slitastjórn sem starfi ásamt skilanevnd að nánar tilgreindum verkefnum.

Skilanevnd SPRON var eins og áður er komið fram stofnuð þann 21. mars sl. Skilanevnd hefur þannig nýtekið við störfum. Skilanevnd hefur unnið að margvíslegum málefnum sem þarfnast tafarlausra aðgerða og þarf að geta unnið á öruggan hátt í því skyni að geta sinnt sínum skyldum og verndað hagsmuni fyrirtækisins.

Skilanevnd telur ófært að ný slitastjórn sé skipuð þegar að svo er ásett um eins og er um skilanevnd SPRON að hún hefur nýlega verið skipuð og hafið störf. Skilanevnd SPRON telur að umrætt frumvarp taki fyrst og fremst til stöðunnar eins og hún er í viðskiptabönkunum þremur en eigi alls ekki við um stöðu skilanevndar SPRON og hvað þá ef að aðrir og minni sparisjóðir færu sömu leið. Getu má þess að eignasafn SPRON er að langmestu leyti innanlands, eða um 98,5% af heildareignasafni og gildir án efa slíkt hið sama um aðra sparisjóði.

Þá sér skilanevnd SPRON ekki tilganginn með því, eins og ástatt er um skilanevnd SPRON, að tvær nevndir, skilanevnd og slitanevnd starfi saman, nánast frá fyrsta degi, og eftir sex mánuði skv. breytingatillögu, hætti önnur störfum en hin haldi áfram. Höfum við ekki í okkar störfum orðið varir við skilning á þessari tilhögun t.d. frá erlendum kröfuhöfum og teljum frumvarpið til þess fallið, án breytinga, að valda óvissu gagnvart kröfuhöfum og glundroða gagnvart starfsmönnum og viðskiptavinum.

Skilanevnd SPRON leggur til að frumvarpinu verði breytt þannig að það nái ekki til fjármálafyrirtækja sem hafa starfsleyfi sparisjóða.

Til vara þá leggur skilanevnd SPRON til að þó svo að bráðabirgðastjórn sækir um greiðslustöðvun þá skuli slitastjórn ekki vera skipuð fyrr en sex mánuðum eftir að skilanevnd var skipuð og starfi nevndirnar þá saman um sex mánaða skeið og mun skilanevnd þá ljúka störfum og slitanevnd taka ein við. Myndi það gefa skilanevnd ráðrúm til að koma málum í þann farveg sem nauðsynlegt er áður en ný stjórn kemur að málum.

Ennfremur vill skilanevnd taka fram að frumvarpið hafi betur þjónað tilgangi sínum án breytingatillagna sem lagðar eru til skv. nevndaráliti.

Þess má geta að efnahagsreikningur SPRON er um 240 milljarðar og viðskiptamenn SPRON skipta tugþúsundum. Skilanevnd SPRON bendir ennfremur á að starfsemi SPRON var stöðvuð en ekki færð yfir á aðra kennitölu eins og í viðskiptabönkunum. Innlán voru flutt til Nýja Kaupþings banka en útlán eru áfram undir stjórn skilanevndar SPRON sem og aðrar eignir SPRON. Slík framkvæmd hefur ekki verið áður og því hafa verkefni skilanevndar SPRON verið með öðrum hætti en annarra skilanevnda að ýmsu leyti og munu verða á næstu mánuðum. Mikilvægt er að skilanevnd SPRON geti unnið að þeim heil og óskipt án þess að vafi liggi á valdsviði og –heimildum.

Skilanevnd SPRON telur að skv. óbreyttu frumvarpi með breytingatillögu þá sé sköpuð hætta á óvissu um starfshætti sem gæti haft í för með sér að hagsmunir fyrirtækisins beri skaða af og skyldur nevndanna verði óljósar þegar að framkvæmdin innan fyrirtækisins er jafn stutt á veg komin og raunin er gagnvart SPRON.

Skilanefnd SPRON óskar eftir að ofangreind umsögn verði skoðuð af viðskiptanefnd Alþingis með jákvæðum huga og er reiðubúin að koma fyrir nefndina og fara yfir málin.

Virðingarfyllst,

Hlynur Jónsson, formaður  
s. 6931805  
hlynur@spron.is